



Future-proofing our children

Sikolo sa la Sunda – Sitopa sa Bubeli

Toho ya Tuto Ndat'a Luna (1)

Buka ya Bashemi

Sikolo sa la Sunda sa mwa Malapa



Balatiwa Bashemi

Mu amuhelwa kwa tuto ya “**Ndat’a Luna (1)**” ya Sikolo sa la Sunda Sitopa sa Bubeli.

Pampili ye, imi tusa hainyani ka mo, muswanela ku fela tuto ye:

Mukwa mo mu swanela ku itukiseza ni fa tuto ye ka ona

Ze tatama ki zeñwi zeo mu swanela ku eza mwa ku itukiseza ni ku fela tuto ye.

Muhato	Kezo
1.	Mu kene fa likepe la Keleke Yenca ya Baapositola, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku tukiseza kufa hande tuto: • Bibebe • Mapampili a likisizwe kale a tuto ye. • Buka mwa sebeleza mwanana, lopitoloto ni lipendiso za banana, ni zeñwi cwalo. • Video ye lukisizwe, ye kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba ba li mwa litopa za Tiisezo) Mamela: 2.1: Nako yende ya kufa tuto ki la Sunda ka kusanani, ka samulaho a sebelezo, sina banana ha ba fiwanga lituto ka nako yeo. 2.2: Mukupiwa ku eza tuto ye bukuswani ha ku konahala, ka ku hupula nakonyana yeo banana ba kona ku teezeza ni ku utwisisa hande. (Mu sike mwa bulela ze sa a mani tuto) ya mwanana – Mina ki mina mu ziba hahulu mwan’a mina ni ku fita. <i>Ka mulao, Sikolo sa la Sunda hasi swaneli ku fitelela mizuzu ye mashumi a mane ka ye keta-lizoho (45 minutes).</i> 2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa ba Sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mubone tapelo ye ñozwi, kwa mafelelezo) mi mu kupe Mulimu kuli ami eze sisebeliso mwa kufa tuto ye, ka mwa latela Yena.



Mufe tuto ya Sikolo sa la Sunda mwa Malapa

Mukwa mo mu swanela ku itukiseza ni fa tuto ye ka ona

Lu zwela pili ku mifa mikwa, yeo mu swanela ku itukiseza ni ku fa tuto ye.

Muhato	Kezo
4.	Mu eze sibaka sa tuto ku ba se sinzi hande (ku sina lilata) foo mina ni mwanana mu bani ni buino bo buswana. <i>Ka mutala:</i> Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.
6.	Mu ifolele tu ifusanyana twa butokwa to mubata ku hupula ha mufa tuto.
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwan'a mina kuli a eze musebezi o mwa buka ya hae, ya Sikolo sa la Sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumanaha ku amana in Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze WhatsApp chat tuto ye ni mabasi amañwi a Sikolo sa la Sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwan'a mina.
3. Mu be baba lukuluhile, ku batisisa litaba zeñwi ku amana ni tuto ye.



Tuto

Toho ya Tuto	Ndat'a Luna (1)
Palo ya Linzwi	Mateu 6: 9-13
Mutomo/butokwa bwa Tuto	Banana ba Boniswa butokwa bwa Tapelo ya Mulena, ili kuli ba kone ku i lapela ka busepahali.

Kusufazo ya Tuto:

- Jesu ni balutiwa ba Hae ne ba li mwa Galilea ku luta batu. Limakazo za Hae ne li Bulelwa kai ni kai, mane ni mwa libaka ze kwahule ni Galilea.
- Ba kambamela fa lilundunyana ni sicaba sa ba latelela ku teezeza kwa tuto ya Jesu.
- Jesu n'a bulela kwa batu ku ba eleza kuli ba pile bupilo bo bu tabisa Mulimu, mi a ba luta tapelo ya butokwa hahulu, yona Ndat'a Luna.
- Jesu a li mu lapele cwana, mu li: Ndat'a Luna ya mwa lihalimu, Libizo la Hao ha li be le li kenile. Ku tahe mubuso wa Hao. Seo si latwa ki Wena si ezwe mwa lifasi, mo si ezezwa mwa lihalimu. U lu fe kacenu sico sa luna sa kazazi. U lu swalele milatu ya luna, mo lu swalelela ni luna ba ba lu foselize. U si ke wa lu kenya mwa muliko, kono u lu lamulele ku ya maswe; Kakuli mubuso ki wa Hao, ni maata, ni kanya, kamita. Amen."
- H'a lu lapela 'Ndat'a Luna ya mwa lihalimu', lu biza fa libizo la Mulimu. Yena ya lu utwa. Ku ba cwalo ni ha lu lapela lu li mwa minzi ya luna.
- 'Libizo la Hao ha li be le li kenile': Kanti lu lumbeka cwañi libizo la Mulimu? Lu lapela ka ku itima kwa meeto, ku inamisa lito ho za luna ni ku puta mazoho a luna. Lu lumbeka libizo la Mulimu h'a lu lapela ka buikokobezo ni ka likute, ni ku eza tato ya Hae. Mulimu ki ya kenile mi lwa mu lumbeka. Mulimu u utwa litapelo za bana ba Hae.
- 'Ku tahe mubuso wa Hao': Lu bata ku kena mwa mubuso wa Mulimu. Mo lu ka yo ba mwa tabo ya kamita. Ki ha lu lika ku pila ka mutala wa Jesu Krete. Mwa lifasi mo, lu lika ku bupa mubuso wa Mulimu mwahali ku luna, ni ku ikola kozo, lilato ni sizwale.
- 'Seo si latwa ki Wena si ezwe mwa lifasi, mo si ezezwa mwa lihalimu': Tato ya Mulimu ki kuli u tokwa ku tusa batu kaufela. U tokwa ku etelela ni ku fuyola batu kaufela. Jesu na pila ka tato ya Mulimu, mi ki Yena mutala wa luna.
- Mulimu u tokwa ku tusa yo muñwi ni yo muñwi mwa lifasi, kamba ki bafumi kamba babotana, ba bansu kamba ba basweu. U tokwa kuli lu pile mwa kozo ni tabo, inge kuli lu mwa lihalimu.



Kanti tuto ye italusa sikamañi ku luna kacenu?

- Tapelo ya Mulena ki sanda sa butokwa seo Jesu na file bao kaufela ba ba lumela ku Yena.
- Lu lapela Ndat'a Luna pila lu ikabela Silaalo se si Kenile, mi i lapelwa ki kopano kaufela.
- Ki tapelo yeo i lapelwa ka buniti bwa pilu. Ki maikuto a zwelela kwa tas'a pilu.

Lu lapele Tapelo ya Mulena ka busepahali ni ka likute, mi lu lemuhe kuli Mulimu u lu teeelize h'a lu nze lu biza fa libizo la Hae mwa tapelo. Mu si ke mwa libala kalulo ya bubeli ya tuto ye.

Zeñwi za lipuzo zeo lu kona ku buza:

1. Kana mwa nzila Ndat'a luna mwa iziba ka pila ya mina nji?

Kalabo: Mu tuhele mwanana a alabe, ni ku peta tapelo.

2. H'a lu lapela kuli 'Ndat'a luna ya mwa lihalimu' lu talusañi?

Kalabo: Lu biza fa libizo la Mulimu, mi Yena wa lu teeleza.

3. Lu kona ku lumba cwañi libizo la Mulimu?

Kalabo: Lu na ni ku lumba libizo la Hae ka ku lapela ka buikokobezo ni likute, ni ku eza tato ya Hae.

4. Mubuso wa Mulimu u bonahala cwañi mwa muhupulo wa mina, ku ka y'o ba cwañi mwateñi, ni kuli mu na ni ku eza cwañi kuli mu swanehele mwa mubuso wa Mulimu? Mu tuhele mwan'a mina a fe kalabo.

Kalabo: Lu ka yo ba mwa tabo ya kamita. Lu ka yo pila mwa kozo, lilato ni sizwale.

Tapelo ya Bondate ni Boma ye fiwa pili tuto i si ka tateka:

Mulimu ya lateha. Lwa itumela kwa lizazi la kacenu

Tusa kuli lu kone ku lemuha ku bateñi kwa Hao

Fuyola tuto yeo lu taba ni yona

Lu cale peu yende ka bunde bwa bupilo bwa luna,

Ni kuli mwa lipilu za luna ku mele fela bunde.

Luma Jesu a to lunga

Mi u lu tuse ku ba ba ba itukiselize ku mukatanyeza

Mwa libizo la Jesu lwa lapela - Amen